

AITON GAZTEA IRUZURTUTA

Bai..., ezagutzen dot aiton gazte-ori bai! Eta ikusi be bai zer gartatu jakon, billoba bataiatzeko egikeran.

Guztiz nekatuta ikusi neban, Ludi ontarako, Kristautasunezko san-era erderaz egin eutseelako billoba 'ri.

Beren aitu-ezinezko itauna: "Nun egongo ziran ARNAS-SAINDU' aren edo ISPIRITU-SAINDUA ren Apostolua'ri buru gainean ipinitako Izkuntzaren SU-MINAK?' zan. Aituko dabe ori?

A ta guzti be, beren asar'ea gordez, Kristau Karisma'tar batsuekin solaseko mintzaldian egonda, argi itzi eutsoen, zer ulertu eban berak an egindako Elizkizunetatik, eta galdera baten antzera berba aukeratu ebazan euren artean: "¡HABLE USTED EN CRISTIANO!"

Ez ziran onartuak izan, edo zalantzan bai beintzat berba oiek nik ikusitakoakin, eta orregaitik azalduko dodaz bananduta, zeintzuk diran aiton-gazte orren arrazoiak asarre agertzeko, Okan ospatu zan elizkizunagaitik.

Leenengo, aitonaren lana:

- a) Lan-tokian.
- b) Sendian.
- d) Erriari begira.

a) Gazte gazterik, aitonaren elburuak, gauza-agurgarri edo sakratu-lez bere burni-olako lantokian, treznerien egokitasuna eta langilleen artean adostasuna zan, on-bide orretatik, mozkin-gintza bai etxerako dirua be, errez, geien eta poz-guztiz lortzeko. Ez zan sekula be bere egokitasunagaitik arduratu, goiko mailan dagoan arduradunaren egin bearrak zirelako beren gogo aundiko ulermenean. "Berezko Ordaiñak" esaten eban dirala, gauzak ondo egiterakoan. Eta atan joan zan burni-olako lantoki ori, elburu guztiak lortuz.

b) Etxean bardin. Sendia, askatasunaren bidetik, ardurak ondo zainduaz, elburuak lortu-gura ebazan; eta lortu eben urte askotan beintzat, kanpoko burutakizunak etxean agertu arte. Ba dira bai!, dardo edo gezi pozoituak etxe barrura sartzen diranak.

d) En-iaren osasunari begira. Beti esaten eban, giza-barne ori lortzeko, leenengo beste biak ondo-bete bear dirala: "Berezko ordaiña dalako orduan, Erriaren Zoriontasuna". Euskeraz egitea Euskaltasuna lortzeko, ardura nagusi-lez euki da. Etxetik Iri'ra errira!, Euskal-jantzi onenakaz danon aurrean agertzeko.

Bigarren: Aitonak izan eban bildurra.

a) Etorri diran arazoak: EGINEKO gauzaren azalketatan, beti kontu aundiekin on-agertu daitezkan, eurak daukien egin-bearra arduraren arloan kontuan euki barik, edo gauza gutxian beintzat. "LANA!" deituaz agertzen ziran danon agoetan, erabil bear ziran alai, benetako, bai bearezko ardurak. "ITZ MADARIKA-TU" bat lez.

Orregaitik, eten-bako ardura izaten zan aiton orrentzat, etxetik kanpora bialtzea, etxe barrura sartu-gurean ibili ziran indar txarrak, aize indartsu txar-bat lez, nai ikas-bidean, Euskeran, etxeko oituran. Euskal Nortasunean eta abar.

Alkar-izketa azko egin ebazan. arduraren arrazoiari buruz aiton gazte orrek. Bat baino geiago arrituten zan, euren asarretan Euskera garbian eta bizi-bizian egiten zuelako. GAUR?

b) Izan diran indar txarrak: Euskal senideak daukan ardura nortasunezko oitura arloan, aurka edo desegiteko alegin aundiak.

Andra-arteko solasean, etxeko ardurak erabagitea, etxean eskontzak eskatzen dauan lotsagizunaz bete bearrean. (Amona batek esate-eban lez: "gaurko andrak, ez dakite zer gure daben be; ez dot uste, ezer dakienik esku-artean daukienakaz").

Euskerak bear dauan indarra Euskalerriko giza-barrena osatzeko'en aurka, nagikeria edo lotsa, bestea dalakoan garrantzi aundiagokoa. Kontuan euki da, danez gain tartekatu egin bear dala guztiari, gaurko indar amorratua eta modan dauana betebetan: "Xautzailetasunezko (consumismo) bizitz-au". Berak bakarrik esan gure dauana: "ez jakineko bizitza baten sartuta gagozala guztiz", dana irentsizko naian.

Aiztu barik, JAINKOA'ri danon otoi-alditan, lar eskatzen dautsagula eta gainera eginda, guk ezer egin gabe. Aaztu jaku zertarako bialtzen gaitun JAINKOAK Ludi ontara? Ez da izango, egin bear doguzan gauza guztietan BEREN LEGE'az arduratuta beteteko? Aiton gazte orrek alan ulertzen dau. Bai, bide zabala dala be, nagikerien menperatasun ori, errira eta etxean sartu daitezkan ez bearezko indarrak, gure menperatzille artotzaren poz betean, fruitu aundiak emoten dautsozelako.

Irugarrena: Gaurko joka-bide batzuk.

a) Fede arloko taldeak eta guztiok, geiegi eskatzen dogulako gure orde eginda, ardurarik'ez baten sartzen gaitu bete-betean oitura-lez. Olan dala, gizak, lortu bear dauzan bizitzarako elburu guztiak, erdi-purdika geratzen dira, eta agiri-agirian arduranik--eza.

JAINKOAK danok bialtzen gaitu gai ontara arduradun bereziak izateko, eta BEREN Legearen, danontzat bardiña dana, ordezkokoak zainduz, pakez bizi gaitzean.

Ori da!, Mundu fisiko baten beartu gaitu, guztiz. gauzak diran lekuan kokatuta, eta orregaitik banan-banan zenbakitu, ugalgarri (multiplicable) eta zatikatu egin bear diran nai-ta naiezko tokian, Neurri aundian gaiñera, edo ardurazko ordearen neurrian, bakoitzaren arima, gauzazko nortasunaren ordezkoa biurtu gaitualalo.

Erreza da orduan ulertzea, nire ardurak beste baten arduratan itzi ezkeror, nire nortasunezko ardurak, beren nortasunezko arduratan edo eskuetan geratzen dirala.

Ba-dira Mundu ontan egon-larriak, eta alan jokatu bearezkoak, BEREN Legean sartzen diralako; baiña..., arrapatari, menperatzille edo etsai baten eskuetan nai-ta naiez itzi bear doguz gure nortasunezko ardurak? Joko ori, argi dago aurka kokatzen dala JAINKOA'ren Legeaz. Eta olan itzi edo jokatu bear dogu, menperatzaille, etsaiak edo arrapatariak gure dabelako? Ludi ontan, ez dira nortasunaren ardurak, ordezkartzako jokuan izanda neurtzen diranak? KRISTOK BERAK!, bialdu ebazan Eleizatik ostikadaka menperatzaille eta guzurti guztiak.

Kontuan euki bear dogu orduan, nor-beren nortasunezko berezitasun burutapenetik (concepto) askoratu egiten garela sen-

di aundi batera. eta bearrezkoa dala, danok daukaguzan izatasunezko zertzelada bereziak zaintzea. nortasuna argi eta garbitasun guztiaz agertu daiten. Bestela, nork igar¹ zein da zer edo nork? Giza jainkoratu'en naian? Erri guztietan bardin izanda, erri-arteak arremanak eta egarriak JAINKOA'ren Legez asetzeko, lotsagizun eta ardurazko ordezkari bikain danok izanda.

Beste gauza bat agertzen da gaur egunean, borrokan bizi-bizia dana: erriak daukien izaera garbian agertu naian bakez eta nor-beren ardurakaz bizitzeko, menperatzailearen indar-pean gagozelako erri berezitasunezko geienak.

Nor da Nor, nire edo gure ardurakaz jabetzeko? JAINKOA, zertarako bialdu ninduan bizi ontara? Ez ete da JAINKOA'ren agindua, menpetik edo illunetik (jakin-bidea) argitara edo askatasunera azaltzeko, lotsagizun eta arduraren ordezkari-tzako bizi bat lortzeko? Aiton gazte orren zinismena or-dago bete-betean.

Elburuaren hurutapena, zertzelada askorekin betetzen da, eta danak dira ardurazko neurrian kontuan artu bear diranak, danak bearrezkoak izanda, bete egiten dabezelako elburuak: baten bat, bidean galtzen ba-dogu, nortasuna beti aren ezean geratuko da, Mundu fisiko bat dalako gure bizi-toki-au.

Karismatikoak ondo ezagutzen dauz aiton gazte orrek, eta sarritan esaten dau, aukera ikaragarritzkoa daukiela Euskaraz ikasteko, aletin gutxi bategaz, apurka apurka ezagutzera itzulean erakutsi ezker; baina "LANA" da itxura baten, eta orregaitik erderan guztiz menperatuta. Ardura larregi daukie azaleko erakuspen era gaitik, eta ori ondo egongo litzake, biotzez oiñarrizko gauzarekin batera joan ba-ziran.

Ez orregaitik bakarrik, bai euren karmeldar aolkulariagaz berbetan egonda, argi azaldu zalako zinismena nolakoa zan: "larritasunak osatu gurean". Baiña "oiñarrizko burutakizunak alboratuta? Ori, menperatzailearen jokuan sartuta egotea da. Bestela, nola aitu aitonen billoba'ri, euskalduna izanda, Kristautasunezko bizitzaren sarrera erderaz egitea? Orrek, ez dauka garbitasunik beren ustez.

Gaiñera. aitonari arpegira esan eutson endakeri zalea zala, beren senidezko euskal-oiñarriak zaindu egiteagaitik. Geiago argitzen dau, erdi-purdiko ulermen orretan, utzuneazko dauela JAINKOA ipini gaitun Legearen gora-beran. Edo menperatzaile agindupekoa?

Emakumeen aurrerapena edo garapena: Euren gogamenean, bardin edo Karismatikoaren antzean dabilaz azaleko jokoan, bai arrotzaren arazoak eurenak diralakoan artuta, gugaz ezer ikusirik ez daukienak, dana naaztuaz, arrazoen oinarriak gabe, eta gainera gure oiñarrizko arrazoen ardurak bastartuta edo txarto dagozelakoan.

Nundik nora sartu jakuz orrek indar txarrok! Menperatzaileak Frantzezak eta Espaiñolak egiten daben indarrezko estukuntza-gaitik kikildu egiten diralako? Or! larritasunezko arazoa gure familien artean, eta aiton gazte orrenean aundia. JAINKOA'ri begira dabilaz? Ez da egia ori! Ez da izango len esan dodan antzera, menperatzaile jokoan sartuta dagozela? Gaur egun, dan guztia politika arloan sartuta dago, (arrazoen burruka ain aundia dalako). eta baliteke etsaiak, ondo bideratuta sartu dauskuezala gezi pozoitsu auek. Gainera bizi-bizian dagozenak.

Gauzaren elburuak, sekula! ez direz konpontzen edo lortzen naaztetasun bidetik; eta lortzen ba-dira be, ulermeneko utz aun-

diekin. Ori gura dabe ba! berezitasunaren menperatzaileak, guzturriak eta arrapatariak, euren, arrazoiaren egon zirela esateko. Baiña zorionez, giza bizitz-au beti harriztuten doalako, gazteen biotz garbiak, beti alenginduko dira gauzak bere lekuan kokatzeko.

Arazo aundia da ba!, baiña eten-bako alegina egin bear dogu, menperatzailearen jokuan ez jausteko. Auek ez dabelako gura, guk zintzo jokatzea JAINKOA'ren LEGE-bidetik, curen jainkotasuna desagertzen dalako. Orregaitik itxartubearra daukagu, ezeztasuneko bizi baten jauzi ez egiteko.

Ludi onetako bizitza ez da gurea, ordezkari batzuk baino ez garelako; nai ta naiez konturatu egin bear gara orregaz, beztela, bizi-labur edo luze-baten guriak eginda dagoz; eta orrek esan gura dau, Euskaldunak ez dabela jakin JAINKOA'ren agindua beteten.

Badauka bai ! zer esan Euskalerriak Mundu onetan, bere bizi luzcan ainbeste ikasi dauelako JAINKOA'ri eta LEGE ZAA-RRR'ri begira, Ludi onetako giza, bide onen zuzentasunean ezartzeko.

Laugarrena: Zer gertatzen da Abertzale sendi baten

a) Larritasun anndiak, abertzaleak oiñarriren bidetik jokatu gure daualako bizitz-au eta Aberkide aundia dalako; baiña beste aldetik, gaurko giza garaia daukan xautzailetasunezko egarriak, bai goian esan doguzan oiñarriren arloan erdi-purdika ibilteagaitik, ezta-baida gogorak sortzen dira. Abertzalearen zinismena, beren ardurazko ekintza aituten daualako, orrek errakuntzak argitu eta garbitzen dauzala: beti gura dauelako eguneroko ardurak on-betetea etxearen zorionerako.

Orretaz, ez-ete dabe zer ikusirik eukingo esaera batzuk'?: "eskatu egiozu AMA BIRJINA'ri asterketa on-bat egin daizun", eguneroko ikaskizunak zentzunez bete bearrean? Aiton gazte orrek, orren gora-beran esaten dauana: "Izkitegitik, nor beren gogoan izki baten utsean edo ez-jakintasunean egoten ba-gara, gure esan-bear guztietan izki-orren utsa beti agertuko da!"

b) Orduan zer lenago, gizon/emekumeen berezitasuna ala interesak?

Berezitasunezko bidetik zalantzarik gabe. Zereginezko gauzatan, ondo bete edo ordezkioak izan ezker, onuraren baldintzak berez bete egiten diralako.

Beste gauza bat da, xautzailetasunezko bizi-baten oso-osoan egonda, berak daukan indarra, bultza egiten dauskulako menperatzaile, arrapatari edo berezitasunezko'en etsaia izateko. Orrek indarrok, ardurabako ordezkioak diralako. bai leenengo lege-oiñarriren utsa daukielako.

d) Nolako egoera eldu da sendietara?:

Egoera larria dudarik gabe, Eta Abertzaleentzat urduritasun aundiko bizia, ikusten daualako nolako kalte eta ostopo egiten dauan erdi-purdiko joko orrek. Bien egin-aldi izaerak aurkakoak diralako.

Aiton orrek beti esan dauana da, gaur egun gure Euskal-telebista eta isparrangiak, aletin asko egiten dabezela gure erriari orretaz laguntzeko; baiña begitu zenbat diran aurka jokatzen dabenak. Orregaitik E.A.J'ak badaukaz batzoki, elkarte eta erribatza tokiak, gure arteko iritzi ustelak edo indar txarrek albortzeko. Arlo ortan, aletin apur-bat baiño geiago bear dogula uste dau aiton gazte orrek, elkarte orreik gure zentzunetik kanpo dabilzelako.

Atutxa'tar Paul